

先秦—清末

《中國野史集成》編委會
四川大學圖書館 編

中國野史集成

錢謙題



巴蜀書社

《中國野史集成》編委會
四川大學圖書館 編

	中
集	國
成	野
39	史

先秦——清末



巴蜀書社

目錄 (第三十九冊)

明宮史	一	綏服內蒙古記	二五七
皇明帝后紀略	四四	綏服外蒙古記	二五九
十二帝紀論	五三	征撫朝鮮記	二六〇
經筵故事	五六	牧齋遺事	二六二
經筵日講始末	五九	錢氏家變錄	二六六
東宮講讀	六八	順治鎮江防禦海寇記	二七九
高廟看書	六九	丁酉北闔大獄記略	二九三
永樂帝以後諸帝燕對	七一	辛丑紀聞	三〇一
承天大誌——大狩記	一〇〇	哭廟記略	三一〇
燕對錄鈔略	一〇八	莊氏史案	三一六
林居漫錄鈔略	一二三	秋思草堂遺集老父雲遊始末·尊前話舊	三一八
清朝前紀	一六八	書湖州莊氏史獄	三二四
清朝前紀附王杲紀	一八八	范氏記私史事	三二八
建州私志	一九〇	指嚴筆記	三三四
能一編	二〇〇	百尺樓	三三四
開國龍興記	二五五	陸沈集	三三九
		紅花鋪	三四五
		大獄記附龍川先生詩鈔·私史獄	三五二
		圓明園恭紀	三七四
		康雍乾間文字之獄	三七七

記桐城方戴兩家書案……………三九四

骨董禍……………三九八

桂藩事略二則……………四〇三

吳逆取亡錄……………四〇三

吳三兵借兵記……………四〇八

提牢瑣記……………四〇九

庭聞錄……………四一〇

平定耿逆記……………四六三

閩難記……………四七二

閩中紀略……………四七九

平閩紀……………四九七

十二帝皇鑑……………五三

皇朝諸臣傳……………四四

御宮史……………一

東坡詩集卷之四……………三十三

國朝詩集……………三十四

大德詩集……………三十五

詩集……………三十五

詩集……………三十五

百尺齋……………三十四

詩集……………三十四

詩集……………三十四

書州縣志……………三十四

詩集……………三十四

詩集……………三十四

詩集……………三十四

詩集……………三十四

詩集……………三十四

詩集……………三十四

詩集……………三十四

詩集……………三十四

詩集……………三十四

詩集……………三十四

詩集……………三十四

宣統庚戌校刊

明宮史

國學扶輪社印行

明宮史目錄

卷一

內庭宮室瑣記

卷二

內府衙門職掌

卷三

內板經書記略

卷四

內臣服佩記略

卷五

飲食好尚

明宮史目錄

卷六

遼左棄地記略


卷七

見聞瑣事雜記

卷八

彙臣自叙

明宮史目錄終



國學扶輪社印行

內庭宮室瑣記

內監劉若愚編述

我太祖高皇帝御極時首崇節儉內庭宮室不尚華飾內監所居尤爲樸實并制內監凡宮門外事不得與聞私書出外者罪如律自太宗文皇帝移駕燕京後宮室之制益美先代且立東廠命內官一人主之刺大小事情以聞列聖承之東廠權漸重而東廠房屋亦漸以增華

內庭宮室以重華宮爲最宏壯華麗各宮殆無其比環是之室屋雖甚布不可數計重華宮之西由甬道而北有門焉出是門折而西室鱗次有內使監有尙膳監有尙寶監中有一街橫貫西東街南曰尙衣監街北曰司設監印綬監稍北有牆間之出小門曰皮房曰紙房曰針工局曰巾帽局曰油燭局曰司苑局

明宮史 卷一

國學扶輪社印行

曰浣衣局再西曰內府供用庫曰番經廠曰滿經廠曰神宮監曰新房曰都知監曰司禮監

司禮監在都知監略西北門向西與新房之門一樣門之內稍南有松樹室五楹有聖位供安向西其楹聯曰學未到孔孟門牆須努力儼行勿懈職但司宮庭洒掃且乘時勸讀爲先聖人位之北一間則內書堂教課畢後暫時靜憩之所也廚房設在後凡米肉食料一切俱取辦于光祿寺內其稍北則爲崇聖堂凡印公公等到任入門先禮之再北向南者則二層門矣入此門再東朝南者則本監公廳之大門也門外有東西二井遞封沒之西井之西一小門東井之東一小門其內皆提督監官典簿文書房掌司所居房室也古書籍名冊頁手卷筆硯綵綾紙笥各有貯庫爲掌庫鑰者遴監工中之老成勤敏者領之而提督掌司總其事新房之北則司禮監也新房之南則御馬監也自逆賢擅政

將司禮監舊制外層門墻拆毀改爲大門向西殊失蘊藉次第一層高一層之義無知妄作此其一也御馬監之南向西者曰杆子房曰北膳房曰暖閣暖閣曰南膳房曰明器廠曰混堂司曰內東廠曰尙膳監撥子斜對御馬監向東者曰北花房曰印綬監曰中書房曰職問亭曰內承運庫此外尚有房八區則司禮監印公秉筆衆住所謂河邊者也過東上北門東中門曰彈子房曰學醫讀書處曰光祿寺曰簾頭房則東安裏門過橋則東安門也自東上南門之東曰重華宮猶乾清宮之制有兩長街西則有宜春寺宮爲停喪之所凡妃嬪皇子皇女之喪皆于此停靈至發引時出東上南門北門北中門北安門詣西山等處安厝

重華宮之東曰洪慶殿供番佛之所也又東則內承運庫藏也再東南則崇賢殿又曰崇本宮俗云黑瓦殿是也景泰年間英廟所居再南則皇叟殿

明宮史

卷一

國學扶輪社印行

太祖以來御筆實錄要緊典籍石室金匱之書此其處也皇叟殿每年六月六日奏知晒晾司禮監第一員監官提督董其事而稽核之其看守則監工也左右小門曰鑄歷左門鑄歷右門再東則追先開欽天閣透玲碑在焉世廟御製欽天頌勒于碑碑石光潤闊有覽之二近似臥碑制也再南則御前作臺也皇叟殿之西過觀心殿射箭處稍南門有曰蒼龍其南則嘉樂館也其北曰丹鳳門門列金獅二內有正殿曰龍德左曰崇仁殿右曰廣智殿正殿之後則飛虹橋也橋以石爲之繫獅龍魚蝦海獸水波洶湧活躍如生云自西域得之非中國石土所能製者橋之南北有坊二曰飛虹曰戴慈婆立綱筆也橋之東西有天光雲影二亭又北疊石爲山山下有洞額曰秀岩以磴道分而上之其高在上者乾運殿也左右各聳一亭曰凌虛曰御風以山石簾蘿花卉若墻壁焉又後爲永明殿最後爲圓殿引流水遶之曰環碧又再北曰玉芝宮其東墻

外則觀心殿也自皇叟歲東南有門通河河上曰湧福閣俗所稱騎河樓者是也迤東沿河再北則呂梁洪則東安橋再北有亭居橋上曰涵碧又北則回龍觀止焉其殿曰崇德者是也觀多海棠每至春深盛開之時聖駕多臨幸之是河也從北安門外文昌宮迤東步根橋入經皮房內織染局巾帽局御馬監東安門橋下至長安左門外迤東之玉河橋出焉北安門內街東曰安樂堂凡內官有疾者送此調理山陵及外廠則不送也再南黃瓦西門之裏則內官監也過北中門迤西則白石橋萬法等殿至大高玄殿則習學道經內官之所居也其北則裏水簾也北中門之南曰壽星殿曰北果園殿之西門有樹一株持鐵鑄雲板四年久樹長遂踰樹幹之內止露十之三誠古迹也殿之東曰永壽殿曰觀德殿亦射箭處也與御馬監西門相對者壽星殿之東門萬曆中年所開者也殿之南則萬歲山俗所稱煤山者此也然亦久向故老詢問咸云土渣

明宮史

卷一

三

國學扶輪社印行

堆築而成人或指為真正有煤誤矣誤矣我成祖建都之後何等強盛天子有道守在四夷豈其肯區區以煤作山何示聖子神孫以不廣耶山上樹木葱鬱神廟鶴鹿成群呦呦之鳴在陰之和互相喚發可並聞于霄漢矣山之前曰萬歲門再南曰北上門左曰北上東門右曰北上西門西可望乾明門東可望御馬監也再南過北上門則紫禁城之玄武門也北上西門之西大高玄殿也其前門曰始青道境左右有牌坊二座曰先天明鏡曰太極仙林曰孔綬皇祚曰弘佑天民又有閣二座左曰吳閣明閣右曰楊閣震軒殿之東北曰象一宮所供象一帝君範金為之高尺許乃世廟玄修之玉容也稍西曰石作曰元明閣又西曰乾明門門裏迤南曰兵仗局曰西直房即袍房也曰舊監庫屬內官監地方曰尚膳外監曰甜食房曰西上北門其東則西下馬門矣紫禁城護城河一帶東西原有祖制所設內承運庫衙門起至北花房止有房

也而西面護城河止有矮河牆羅列石作物料而已逆賢擅政乘興大土之際輒自西下馬門迤北乾明門迤南于兵仗局對門一帶創建房屋數區以為乘筆直房于風水頗失宜又護城河東北角西北角原有深馬礮礮石柵逆賢一旦毀之改成兩方角其後又悔其誤復仍改如舊制說者曰改此河後先帝之聖嗣不育靈臺掌印張得禮者密向客氏言之客氏向逆賢言之而方復舊先帝皇子女雖經數產竟無一存惜哉說者又曰逆賢以慘殺導上從更游獵手斫狼獾狐兔為兩段血肉淋漓牲目動轉相與歡笑為樂逆賢欲導先帝以武斷將手刃無辜正不止曲法煅煉矯旨害人也自西上北門過西上南門則御用監也又南曰靈臺曰寶鈔司自西中門之西則尚寶監也鷹房司也再西出西苑門迤南向東曰灰池曰樂成殿曰水碓水磨河之西曰昭和殿曰紫先閣曰陽德門曰萬壽宮曰登豐門曰栢木殿曰大光明殿曰旋磨臺即兔兒山顯

明宮史

卷一

四

國學扶輪社印行

揚殿曰無逸殿曰幽風亭也金海橋之北曰玉熙宮曰承華殿曰寶月亭曰清綬殿曰騰熙殿即黑老婆殿也曰王媽媽井河之上游曰乾佑閣即俗所云北臺是也高八丈一尺廣十七丈萬曆二十九年建天啟二年拆毀平之與春秋泉臺之毀同也天啟五年就其處為嘉樂殿其門曰延景門再西則內教場也稍南臨河有坊曰衆引祥橋其東則北開口曰洪廣殿也自北開口迤南泉岸曰缸屋則冬日藏龍舟之所也橋之南亦有焉再南曰玄禧殿再南曰陟山門通裏水簾者也又再南臨然若山者曰廣寒殿即俗云蕭后梳粧樓也萬曆初年傾頽其脊中錢元年號也神廟亦曾分賜輔臣張居正數枚今止存山石基址天啟年間逆賢又將舊砌山石皆拆毀為又再南曰圓殿即承光殿也磚砌如城牆亦有雉蝶以磴道分上之上有樓閣古松松乃數百年物霜幹虬枝式如偃蓋凡枝之垂者皆以杉木撐柱之至崇禎五年枯不能存始連根刨除也

此乾明門西也其石梁如虹直跨金海通東西之往來者曰玉河橋有坊二曰金鼈曰玉螭萬曆年間每遇七月十五日道經廠做中元法事放河燈于此橋之東岸再南曰五雷殿即椒園也亦名燕園凡修實錄成于此焚草再南則至西苑門矣

由玉河橋至熙宮迤西曰樞星門迤北曰羊房夾道牲口房虎城在焉內安樂堂在焉樞星門迤西曰西酒房曰西花房曰大藏經廠即司禮監之經廠也又西曰洗帛廠曰果園廠曰西安裏門曰甲字等十庫曰司鑰庫曰惜薪司曰錦子房曰西安門也樞星門迤西街南畔罰別庫之門也門之東迤南曰蠶池曰陽德門又西曰迎和門則萬壽宮之門也自陽德門外皆可以至河是河也由北安門外藥王廟西橋下入鑾洞洗滌蓄洩惟謹藕魚蝦味最珍美且葎葎茂密水禽下上儼若江南景云至冬水凍時可拉拖牀以木作平板上交加牀

明宮史

卷一

五

國學扶輪社印行

或冀驪一人在前引繩可拉三四人行水如飛世廟晚年尙立修多居西內嘉靖壬寅正月十六日皇太子自宮中往見即絕河水而過時閣臣夏言詞云胡床穩坐度屏水即指拖床作也神廟萬曆年間臨御久稀禁網疎濶每于河凍之後近京飢民群來赴食即于皇城內外凡有水處拉拖床以餬口遇雪滿林阜坐拖床者匏素相間交拉加織景堪畫也其河自靈臺寶鈔司東與護城河之西脉合流過長安右門之北經承天門前再東過長安左門之北自湧福閣會歸于皇城之巽域而總出焉護城河者自北開口分流經內官監曰石橋大高玄殿之東北上西門之外半邊石半邊磚橋入至紫禁城墻下而東而南經太廟之東玉芝宮飛虹橋之西而西脉則自大社大稷壇西至靈臺寶鈔司之東總合流于湧福閣之河焉紫禁城內之河則自玄武門之西從地溝入至廊下案由懷公門以南過長庚橋裏馬房橋由仁智殿西御酒房東武英殿前思

善門外歸極門北皇極門前會極門北文華殿西而北而東自慈慶宮前之徽音門外航艇而南過東華門裏古今通集庫南從紫禁城墻下地溝亦自巽方出歸護城河或顯或隱總一脉也神廟久不臨御河遂壅塞不通對石圯勦者多逆賢專政時勒令疏通至今清流可鑑雖魚鱉蛙龜之微亦得沐天波之澤但恐事久禁池仍阻閼龍脉殊可惜耳是河也非謂魚泳在藻以恣遊賞又非故爲轉折以耗物料蓋恐有意外之變則此水儘可賴爲天啟四年六料廬災六年武英殿西油漆作災皆得此水之濟而鼎建皇極等殿大工凡泥灰等項皆用此水回想祖宗設立良有深意惟在後之人遵守保護何如耳況宮後苑魚池之水慈寧宮魚池之水各立有水車房用驢洩水車由地瑄以運輸咸賴此河如近年一號殿藏鸞宮等處被災者二次矣只靠井中汲水能救得幾何耶

明宮史

卷一

六

國學扶輪社印行

大明門內曰承天之門其門裏之東一門內則太廟也西一門內則大社大稷也曰端門內則六科也東曰闕左門再東則松林會推處也西曰關右門其居中魏然而向明者午門也鐘鼓在焉曰左掖門曰右掖門之內居中南向者曰皇極門即奉天門也左曰弘政門即東角門也考選通政司參議及鴻臚寺官右曰宣治門即西角門也居西向東曰歸極門即右順門也居東向西曰會極門即左順門也皇極門內居中向南者曰皇極殿即奉天殿也左向西者曰文昭閣即文樓也右向東者曰武成閣即武樓也上有滲金圓頂者曰中極殿即華蓋殿也殿之兩傍東曰中左門西曰中右門再北曰建極殿即謹身殿也俱嘉靖四十一年重修工完所改者也殿居中向後高踞三臺白玉石欄于之上者曰雲台門兩傍向後者東曰後左門西曰後右門即雲台左右門亦名曰平台也凡召對閣臣等官或于平台即後左門也又東則景運門也西則隆宗門

也又西南者則仁德門也乾清門外左右金獅各一入門丹陛直至乾清宮大殿左曰日精門右曰月華門左小門曰龍光右小門曰鳳彩再北曰交泰殿其後金圓頂亦稱中極殿之制也再北曰坤寧宮則皇后所居也左曰景和門右曰隆福門再北左曰端門右曰基化門也便接瓊苑左右門矣坤寧宮仍有中門向後恒開而不開神廟御居乾清宮西暖閣光廟御居東暖閣先帝御居西暖閣今上御居東暖閣乾清宮大殿之左向西曰端凝殿尙冠等近侍所司御服袞冕玉帶等錢糧貯此徐應元秉筆亦臣子耳西瞻空居住可乎右向東曰懋勤殿先帝創造地炕于此恒臨御之乾清大殿之左曰昭仁殿右曰弘德殿王體乾等直房見本章經手次第中乾清宮管事劉忠王朝忠等直房不概叙也此紫微垣北辰深遠之處中一路之大略也過日精門之東曰崇仁門稍南曰內東裕庫曰弘孝殿曰神霄殿日精門往北曰順德左門則東一長街

明宮史 卷一 七 國學扶輪社印行

也再北向西與龍光門斜相對者曰咸和左門向南者曰景仁宮其東二長街也南首曰麟趾門北首曰千嬰門麟趾門之東曰延祺宮曰怡神殿再東曰嘉德左門再東則蒼震門也此門恒閉遇掃雪修造則開孝靖皇后王老娘娘病革時每日光廟來問安出入此門咸和左門之北向西與景和門相對者曰廣和左門向南者曰承乾宮東宮娘娘所居也東二長街之東曰永和宮廣和左門之北向西與端門相對者曰大成左門向南者曰鐘粹宮今皇太子所居改曰興龍宮者是也東二長街之東曰景陽宮昔孝靖皇后曾居者也千嬰門之北並列者則乾東之房五所其東後小門凡有事則開也宮正司六尙局皆在乾清宮之東已上皆東一路之大略也過月華門之西曰遵義門向南者曰養心殿也向北者則司禮監掌印秉筆之直房也祖制宮中膳房原在隆道閣後逆賢移于怡神殿而將此房改爲秉筆直房養心殿之西南曰祥寧宮宮前

向北者曰無梁殿世廟烹煉丹藥之處也其制一木不用皆磚石砌成者月華門之西南巋然者隆道閣也左曰仁蕩門右曰義平門按此二門原名會極歸極世廟時改之閣下曰仁德堂前曰仁德門萬曆二十四年兩宮災後開此門出入至神廟晚年移居乾清宮始恒閉不開先年慈聖老娘娘亦曾升此閣召李戚畹至仁德門跪于地而宣諭切責之閣之東曰忠義堂馬太監保李太監壽魏太監仲曾以室東小屋做直房至李永貞則惜然忠義堂而居之矣室三間黃琉璃瓦綠琉璃龜背腰牆其藻井樓葉皆龍鳳文永貞乃南面而坐恬不爲怪凡大工關給銀兩自有司存乃必勒取領單親加磨算用邦掛號以恣侵剋當時工部科等衙門皆以墨筆標日月此在京官體自應爾惟永貞必以硃筆原領文案在庫後人見之不知作何等冷笑也閣之西南過義平門則慈寧宮矣萬曆年間慈聖老娘娘所居泰昌元年八月神廟皇貴妃鄭老娘娘亦

明宮史 卷一 八 國學扶輪社印行

曾居之光廟聖孝凡朝謁尊禮一如神廟往朝仁聖陳老娘娘慈聖李老娘娘故事中外毫無間言從來疑端訛語盡永釋矣先帝登極後得遷鄭老娘娘于一號殿之仁壽宮居之請神廟東宮昭妃劉老娘娘于慈寧宮居住天啟七年八月後慈廟皇貴妃范娘娘亦共居此宮非制也此王體乾之錯誤也月華門往北曰順德右門則西一長街也再北向東與鳳彩斜相對者曰咸和右門向南者曰毓德宮先帝改曰永壽宮逆賢曾于此爲蹴鞠處焉其西則西二長街也南首曰益斯門北首曰百子門益斯門西曰啟祥宮神廟自兩宮災後遂移居于此萬曆三十年春聖體不豫曾召輔臣沈一貫至此此宮乃獻皇帝發祥之所原名未央宮世廟入繼大統更名啟祥于宮門內建一石坊向北曰聖本肇初向南曰玄德永衍凡舊隸興邸錢糧至今曰未央宮改進乾清宮也再西則嘉德右門其膳杆揮雲向南而建者隆德殿也供安玄教三清玄帝諸尊神

神廟時災天啟七年重修再西北曰英華殿供安西方佛菩薩像有菩提樹二株婆娑可愛結手可作念珠又有古松翠柏幽靜猶山林皆祖宗神道設教之意也自嘉德右門之西向南北曰二南門門之北則八角井也水不堪汲再西曰咸安宮神廟繼選皇后陳老娘娘曾居于此天啟年間則客氏所住凡遇客氏生日先帝亦為之臨御升座為咸和右門之北向東與隆福門相對者曰廣和右門向南者曰翊神宮西宮娘娘所居也西二長街之西曰永寧宮先帝改曰長春宮成妃李娘娘曾居者也及遭革封之後遂移于乾西某所居為廣和右門向東與基化門相對者曰大成右門向南者曰儲秀宮西二長街之西曰咸福宮神廟時惠王桂王曾共居之百子門之北並列者則乾西之房五所其西後小門凡有事則開也已上皆西一路之大路也

坤寧宮之後則宮後苑也欽安殿在焉俱安玄天上帝之所也曰樂志齋曰清

望閣曰曲流館曰四神祠有魚池山子奇花異樹禽聲上下景色可人東南曰瓊苑左門西南曰瓊苑右門即東一長街西一長街之北首其南首則東西夾牆也欽安殿後曰順貞門其官牆外則紫禁城之玄武門每夜之更鼓在焉逆賢時更鼓房牌子侯得用慘毒無比較外之許顯純更甚一日得用欲殺打更淨軍梁暹等二命閉之幽室刻期可斃幸暹等家人聲冤逆賢始知得用從來朦朧害人貪殘狠惡即奏聞先帝陞梁暹為更鼓房牌子將得用就付逆登時捶死肢體離析入甚快之玄武門裡迤東有廊下家可十一門而更鼓房則儘東首焉為紫禁城之良方也乾清宮門圍牆之內左右廊房之朝南半間者曰東夾牆曰西夾牆及慈寧宮西茅等處皆宮內官便溺之所宮牆之外磚砌谷門安大石各懸孔垂之各有淨軍在下接盛于每月初四十四二十四日開玄武門及各小門打掃之自嘉德右門之西曰長庚門凡放夫匠淘溝及修

造或年老有勞宮人病故皆奏開此門以便出入其外自玄武門迤西可九門自北而南過長庚橋至御酒房後牆曰長連可三十一門再前層曰短連可三門連玄武門計之共五十四門總曰廊下家答應長隨所住各有佛堂以供香火三時鐘磬宛如梵宮所栽棗樹森鬱其實甜脆異常而文書房司禮監官典簿各占過宿直房萬曆時李永貞墩鎖十八年曾于懷公門住懷公者憲廟時有名賢監懷恩也此門之南井之北神廟時久闕未補逆賢專政時委李永貞等修補一新勒碑之文崑山顧相公秉謙撰諛語句中載居停主人字樣今此碑或不能存矣自隆宗門外向東者曰司禮監經廠直房過慈寧宮門之南曰北司房即文書房也再南曰司禮監管賞處即兩班四撥寫字所居也再南曰南司房也即監官典簿直房也隆宗門外朝西者亦監官典簿直房也有井存焉再南則慈寧門再南則寶寧門門外偏西曰仁智殿即俗所謂白虎殿

者是也凡大行皇帝梓宮靈位在此停供其西南曰御酒房西北曰馬房監官典簿奉旨問刑拷打內犯之所門外有二大楮俗云裡馬房者此也東南曰思善門門外橋西曰武英殿再西曰本庖廚曰尚膳監乃第一員總理及管理金書掌司所居也武英殿之西南曰御用理監乃把總等官所居再東曰南薰殿凡遇徵號冊封大典閣臣率領中書篆寫金寶金冊在此例有司禮監印公奉欽遣臨視管待該御用監理監把總官置辦盛席伺候必殺鹿一隻蒸魚作羹以明豐侈此舊典也又神廟靜攝時久凡多年聖節閣臣詣仁德門外行禮畢先監矩奉旨于文書房置席管待畢必密具說帖回奏如有應行事件亦借此轉達可十得三四亦納約白牖之義也再東曰雲極門所謂逍遙城者在此門之西南今無之矣從歸極門再東曰會極門凡京官上本接本俱于此處會極門南入

曰內閣輔臣票本清禁處也宣廟賜有文淵閣印一顆玉簡篆文凡封進票本揭帖聖諭勅稿用此鈐之萬曆十四年五月二十三日不知何人開內閣鎖將印盜去至六月朔神廟准補鑄賜之出會極門之下曰佑國殿供安文帝聖像籤最聖至于寶善門思善門乾清門仁德門平臺之西及皇城各門皆供有關聖之像也佑國殿之東則內承運庫銀兩表裡等錢糧貯藏之所也兩口之間有槐一株翠茂可愛再東過小石橋曰香庫乃內府供用庫答應錢糧之所又稍北有石碑曰古今通集庫係印經監職掌古今君臣畫像符券典籍貯此每年六月初六日晒晾皇叟宸側再北曰東華門門內有石橋橋之北有樹二株曰馬纓樹高不足丈其葉似槐而細長晝舒夜歛其花粉紅色無瓣而皆若葢結角如楮亦可種而生是以名之曰馬纓也再北曰馬神廟御馬監該班官在此有飛龍二大字太監蕭敬筆也會極門東向南者文華殿也有圖曰學二帝

明宮史

卷一

十一

國學扶輪社印行

三王治天下大經大法者神廟御書也曰繩愆糾謬者小臣杜詩筆也有稍一堂恭默室九五齋殿之後曰玉食館西北曰省愆居其制度用木爲通透之基高三尺餘下不令墻壁至地四圍亦不與別處接連凡遇天變災告聖駕居此以示省修之意先帝時塵封久矣凡天下藩府差來進表內官尚膳監備辦筵晏司禮監掌印或乘筆于殿門之西奉旨管待以昭九重親親之誼焉文華殿之西曰崇本門殿之後曰刻漏房銅壺滴漏在此凡八刻水則交一時直殿監官抱時辰牌抱赴乾清宮門裏換之牌長尺餘石青地金字某時凡道途遇之者必側立讓行坐者必起立之亦敬天時之義也殿之東向後開門者曰聖濟殿供三皇歷代名醫御服藥餌之處也徽音門裏亦曰麟趾門其內則慈慶宮也神廟時仁聖陳老娘娘居此其內有勛勤宮昭儉宮迎禧宮奉宸宮麟趾門之東曰關雎左門其內則掌印乘筆直房所謂禁園者此也西曰關雎右門再

西轉角向西者曰元輝殿光廟元妃鄧娘娘選中時在南配殿住其總理婚典者曰太監義也福土妃鄧娘娘選中時在正殿北一間住其總理婚典者先太監矩也凡三五日即詣妃寢殿門外問貴人起居時萬曆三十一年也其多值夏危茲議之獄與凡諸王館選中后妃王妃皆先住居于此以次第奉舉行吉禮也再北曰御馬監直房每日伺候御乘良馬在此再北曰御用等監庫再北朝南者曰寶善門門之西舊有核桃樹數株逆賢因風變除去以便口馬甲字等十庫之後亦有隙地堪跑馬者逆賢復從愚先帝闢其蒿萊而馳騁焉寶善門內包東曰慈慶宮後門門之外神廟時鑿一井味極甘冽北曰奉先殿即內太廟也祖宗舊制宮外膳房原在寶善門裡而逆賢改于寶善門內可乎街東曰隆祀門其內則外東裕庫也街西再北曰蒼震門又街東再北並列二門向西北曰履順曰蹈和則一號殿仁壽宮之門也內有曉鸞宮塔鳳宮凡先朝

明宮史

卷一

十二

國學扶輪社印行

有名封之妃嬪無名封之宮眷所居養老處也各有應得養贍膳銀吃穿及病終之後司禮監題知奉旨着炤某封某氏例發送此卷若自寶善門可通玄武門俗稱拘兒灣其居中之門曰蓮花門也景運門南朝西者都知監之直房也隆宗門朝東者司禮監數人之直房也再夜五更攢點至曉報九刻水者刻漏房官及答應長隨也隆宗門南朝東者曰協恭門印公等過司房之處也慈寧宮慈慶宮皆有花園皆有庫藏乾清宮兩傍之宮各有井無花園惟鍾粹宮有松數株其餘各處宮名殿名門名尙或有記憶未真銓叙失次不能備載者敬俟後之博覽君子續補正之

說者曰史漢以來有因漏禁中語而得罪者又有不肯答溫室省中何樹者今子侈口鋪張聲懷羅列得毋非古人厚重不泄之意乎桑臣若愚曰固也然吾聞諸道路國家左右史之溺職久矣自神廟靜攝多年起居所記注尤

不能詳而內小臣獨能竊知一二今遭罹奇冤朝不保夕筆此梗概不拘體製不循次第世之君子當不諱之朝思采風之義史失而求諸野閒中一寓目未必不興發其致堯舜澤君斯民之一念也至天郊園圯地祀方澤視太學閱兵戎一切慶典朝典經筵等儀自有儀注司存外廷備曉不概及焉

明宮史卷二

內監劉若愚編述

內府衙門職掌

皇明祖訓所載設立內府衙門職掌品級立法垂後盡善盡美惟是開有祖訓所及詳載及後之增添者謹補次梗概于左按內府十二監曰司禮曰御用曰內官曰御馬曰司設曰尚寶曰神宮曰尚膳曰尚衣曰印綬曰直殿曰都知又四司曰惜薪曰寶鈔曰鐘鼓曰混堂又八局曰兵仗曰巾帽曰針工曰內織染曰酒醋麪曰司苑曰浣衣曰銀作已上總謂之曰二十四衙門此外有內府供用庫內承運庫司鑰庫甲字等三艸場陵坎等處亦臚列于後以備攷焉

司禮監

掌印印監一員秉筆隨堂太監八九員或四五員設有象牙小牌一面長寸餘每日申時交接輪流該正凡每日奏文書自御筆親筆親批數本外皆衆官分

批遵昭閣中票本字樣用硃筆楷書批之間有偏傍偶誤亦不妨略爲改正最有寵者一人以秉筆兼掌東廠掌印秩尊視元輔其次秉筆其次隨堂如衆輔焉皆穿貼裡先斗牛次陞坐蟒先內府騎馬次陞樅杌祿米每陞一級則歲加十二石各家私臣曰掌家職掌一家之事曰管家辦理食物出納銀兩曰上房執掌箱櫃鎖鑰曰掌班鈴東兩班答應官人曰司房打發批文書賸寫應奏文書其下則管帽管衣靴茶廚房打聽官有庄宅各預府事務也其餘大小衙門遇有應題奏事情皆關白司禮掌印秉筆隨堂而始行凡御前親近大臣日乾清宮管事日打卯牌子其實秩亦顯綽外之勳爵戚臣也然皆得掌各衙門之印視其寵眷厚薄而欽傳昇之不拘資次焉司禮監提督一員秩在監官之上于本衙門居住職掌古今書籍名畫冊頁手卷筆硯墨硃綾紗絹布紙割各有

庫貯之選監工之老成勤敏者掌其鉛鑰所屬掌四員或六七員佐理之并內書堂亦屬之又經廠掌司四員或六七員在經廠居住只管一應經書印板及印成書籍佛藏道藏書藏皆經理之自提督之下則監官典簿十餘員第一員監官提督皇衷歲并新書轉提督俱輪流該正在廊下家宿專皇城內一應禮儀刑名鈐束長隨當差聽事各役關防門禁至逆賢擅政時令與文書房輪接過雙月十六日前往教場比試武職應襲其次六科廊掌司六員或八員分東西兩房管精微科內外章疏及內官脚色履歷職名月報逃報亡事故數目其次人數十員或八員管二十四衙門山陵等處內官職級姓名撰寫每日傳行聖旨稽查門禁鈐束當差聽事題奏應行禮儀應頒賞賜其次六科廊賸黃寫字一員其次管賞寫字則按節令挨次題稟禮儀文書及賞例或百餘員或數十員分兩班四撥各撥若干人其班按十二支輪之曰頭頂整一日過夜曰守

明宮史

卷二

一

國學扶輪社印行

早從卯至申曰守晚從申至次日天明曰末頂整一日過夜方得下班歇息四日也凡過聖駕朝講道幸穿麟補紅袂撒或青袂撒執藤條欄擋者皆掌司人數寫字也凡轉經廠司禮監掌司者則每撥內另百一種衙門寫字共十餘員挨捕而已自提督至寫字俱穿袂撒凡出入皇城各衙門軍接與擋道自內書堂奉旨撥派者名曰正途其次或乞恩奏保改陞者亞焉按祖宗舊制必依昭欽錄姓名挨次魚貫陞轉罔敢攪越自逆賢擅政盡將歷練老成之人擅斥殺害或左遷宮內御司房或退斥于冷淡衙門林衡等署西山小坡園三場十庫天啟七年春復撥點于代俯于新之園之瑞惠桂三府今概蒙聖恩召復凡有力者雖漸有生色其實典禮衙門挫折損體恐終不能復祖宗一定之舊制也如欲內廷有真正忠良才品必先將內書堂振刷優選聰明穩重慈善之人加意訓教以儲十餘年或二三十年之後大用可也今肉食者全不知培養聖

德保全國體又多由閭閻出身志在安飽誇耀郵儲奴視父叔或有一特達自見迥異流輩者必群起而非議之或乘機而損害之總之孤陽不生自古已然非止今日非止一人也文書房官八員或十員雖穿袂撒其實祖宗初設原是遴選二十四衙門山陵等處有學行才識者委用職掌通政使司每日封進本章并會極門京官所上封本并在內各衙門本天下各藩府本其在外之關票在內之搭票一應旨意聖諭御札俱由文書房落底簿發行所以如今凡掌司陞轉文書房者都削去司禮監銜俱借列內官監銜其呈稟文書具見經手次第中然不過逆賢時如此耳先時從公挨轉雖非外衙門選擇委任尙可觀也而逆賢盡行斥退信用一派脂韋孩輩非制也按舊制後右門即雲臺右門其門之北隆宗門之南坐西向東房一連原名協恭堂每日早朝前及申時後掌印公過司房看文書乘筆隨堂人各有室挨次細看先看文書房外本次看監

明宮史

卷二

三

國學扶輪社印行

官典簿文書自逆賢竊柄其規矩蕩廢無遺所以事事苟且萬歷年間先監過司房例印公穿直身率乘筆等都是單身入室其親信掌班人等一人不得入機密禁近理應如此奈王體乾黨附逆賢公然于乾清宮大殿上看文書或懋動嚴看文書硬折實封高聲朗誦又挨次到各人直房不過司房誠批政也如欲君德昭明左右得人須先振刷作興內書堂起欲章疏不泄漏權不旁落須有好明白印公不徇私不憚勞仍復早晚過司房之舊制始

內書堂讀書

自宣德年間創始命大學士陳山教授之後以詞臣任之凡奉旨收入官人選年十歲上下者二三百人撥內書堂讀書太監提督總其綱掌司分其勞學長司其細擇日拜聖人請詞林衆老師從長安右門入北安門出後則由北安門出入每學生一名亦各具白蠟手帕龍掛香以爲束修至書堂之日每給內

今一册百家姓千字文孝經大學中庸論語孟子次第給之又每給刷印做影千家詩神童詩之類其背書號書判做然號書不點句也凡有志官人各另有私書自謂其原給官書故事而已派年長有勢力者六人或八人為學長選稍能寫字者為司房凡背書不過習做不堪或損汚書做犯規有罪過者詞林老師批數目付提督責處之其餘小事輕則學長用界方打手重則于聖人前罰跪再重則扳着幾炷香扳着者向聖人直立灣腰用兩手扳住兩腳不許體屈但屈則界方亂打如雨或半炷香一炷香其人必眼脹頭眩昏暈僵仆甚而嘔吐成疾者此最酷最不近理之法也凡強凌弱衆暴寡長欺幼者每賄托學長借公法以報私怨此第一陋套所宜痛革者也遇令節朔望亦放學凡每日將晚放學則排班題詩不過雲淡風輕之類擺列魚貫而行人有不知而悞亂撓越者必群打詬辱之別衙門官遇學生擺列行走必拱手端立讓過即司禮老

卷二

四

國學扶輪社印行

公遇之亦然凡各衙門缺寫字者即具印信本奏討奉旨撥給若干名即挨名給散至逆賢時此制大壞無餘凡內書堂讀書官人已撥散將完無人讀書該監題知于二十四衙門官占官下及監工改讀書以補之其實事久弊生冥頑貪訥或飲博遊蕩粗橫兇猾非作養賢才良法也

禮儀房

提督太監一員掌印或乘筆攝之掌司數員寫字管事數員本房長隨數員掌管一應選婚吉禮每年春夏秋冬四仲月選乳婦生男十口生女十口給食料在嫺子府居住凡宮中有喜鋪月子房則生男生女各一二口在文華殿外西北臨河之小房住及報生皇子則用生女嫺口生皇女則用生男嫺口爾月剪髮百日命名及請髮留髮册立册封選妃打扒角選駙馬一應禮儀皆經理之

中書房

掌房官一員散官十餘員係司禮監監工年老資深者揆轉專管文華殿中書所寫書籍對聯扇柄等件承旨發寫完日奏進御前凡宮中糊飾如不放外匠便只是監工併學手藝牌子糊飾揆轉此處并御前作至貧老無依則發外經廠看守以待斃焉凡司禮監掌印乘筆隨堂故後各前牌位遠外廠供安各有影像送西直關外大慈寺供安看廠監工守寺僧人侍香火不絕也

御前作

掌作官一員散官十餘員亦是監工年老資深者揆轉專管營造龍牀龍棹箱櫃之類合用漆布桐油銀硃等物料奏准于甲字等庫開支已上二處亦掌印或乘筆提督之

司禮監外差

南京正副守備太監二員關防一顆護衛留都為三千里外親臣轄南京內府

卷二

五

國學扶輪社印行

二十四衙門孝陵神宮監等官奏進神帛鯽魚苗姜等鮮各衙門印文比北京各多南京二字孝陵神宮監掌印太監一員別衙門官可陞不係司禮監也轄本陵僉書掌司及謫發種菜淨軍人等天壽山守備太監一員轄十一陵掌印僉書工部廠掌司等官凡每年清明親率各掌印來京奏添土本每歲辦進松花黃連茶核桃榛栗等果各陵皆有晾果廠在京鳳陽府守備太監一員關防一顆護衛皇陵轄僉書數十員兼管高牆犯宗湖廣承天府守備太監一員關防一顆轄僉書數十員轄承德荆襄地方護衛顯陵徵收籽粒銀兩每年進茶扇葛布香茶手巾太岳太和山即武當山也鎮守太監一員關防一顆轄均州等處經管本山香火羽流進棚梅符茶等件正陽等九門永定等七門正副提督二員關防一顆已上六處秩在文書房監官之上并孝陵掌印各有勅諭又正陽等門掌司一員秩視六科郎然不隨內轉缺則補之大樞等馬房正副

提調太監二員有勅諭關防秩在文書房之次外衙門官亦間任之蘇杭織造大監一員亦有勅諭關防秩視乘筆而安逸曾富過之萬曆年間惟孫太監隆多學書畫曾刻中鑒錄一書所造清謹堂墨神廟最愛重之今不易得也隆在蘇杭年久又以暇日重修西湖蘇堤從容儒雅善事辦而民不擾大得東南民心掌印王體乾乘筆王文政皆隆之名下也今上即位憫東南財物凋敝特停止不差

東廠

成祖即位之十八年始置其外署在東安門北提督太監一員關防一顆其勅諭最為隆重凡內官奉差關防皆曰某處內官關防惟此處篆文曰欽差總督東廠官較辦事太監關防自泰昌元年九月先帝登極掌廠者部義沈隆宋晉也至天啟四年逆賢掌廠因避先帝御名題改鑄官校曰官旗及六年以後內

明 宮 史

卷二

六

國學扶輪社印行

官紛紛出鎮陶文討歸關防不過曰內官內臣足矣不意關票欠詳先帝御筆于關票內誤增太監二字王體乾等含糊奉行未之奏正東廠設有掌貼刑千自戶二班掌班領班司房四十餘名圓帽皂靴直身十二夥管事圓帽袍褂皂靴其當頭辦事百餘名分子丑寅卯十二夥圓帽袍褂白靴番役可千名外署大廳之左小廳供岳武穆像一軸廳從磚影壁雕獲貌等獸狄梁公斷虎故事存此者良有深意也大廳之西有祠堂內供從來掌廠職名牌位前有小坊曰百世流芳稍南有獄一處凡重犯則繫獄輕犯干連則在署外之店也署西而有門向南大門不恒開也凡中府等處會審大獄北鎮撫司拷訊重犯本廠皆有人聽記具口詞一本撈打數一本于本日晚或次早奏進每日兵部訪看有無進部有無塘報京城各門皇城各門關防出入俱有事件奏聞或地方失火或雷擊何物亦奏聞之又每月晦日奏報在京雜糧米豆油麵之價凡禁地

人命亦皆有事件其內署在東上北門之北街東混堂司之南萬曆初年馮太監保奏建古槐森鬱解于肅然凡各處辦事打來事件皆到內署先見廠公心腹內官發司房刪潤奏之逆賢擅政時所獨信任者李朝欽耳天啟七年八月初四日玄武門大市復奉旨移入皇城之內是時先帝遠和久逆賢因飭夜禁被巡捕提督張體乾一言所激日夜巡非不嚴禁有內里犯夜巡軍那敢問又因客氏之母路過一醉內官爭道惡罵馳去逆賢遂猝布旗番即於初三日之晚捉得夜行內官陳鳥眼等十餘員聽李朝欽之言乘大市之日逆賢親到南東廠將犯夜內官各狠打一頓有降發鳳陽者有發南海子者致死於途路者數人逆賢坐拔由玄武門入王體乾李永貞石元雅徐文輔等凡在河邊居住掌家皆望塵跪伏道傍俟賢過方起其市上賣買人觀看亦有叩頭匍匐候過而方起者內署有圓曰朝廷腹心有至聖堂有井其掌廠公宮中直房有欽給密封牙章一枚凡事件應封奏者以此鈐封逆賢擅政更造一差大者曰東廠密封今見用之凡在逆賢左右念本章事件者蘇雄陳福壽李朝欽裴有聲也每日清晨叩頭旁立挨回通本封本票本話者李永貞石元雅徐文輔也先帝御前奏念事件亦止此三人耳

內官監

掌印太監一員其下有總理管理僉書典簿掌司人數寫字監工分三班每班掌司第一人曰掌案所管十作解平曰木作石作瓦作搭材作土作東行杭西行油漆作婚禮作火藥作井米鹽庫營造作皇壇作裡水窖外水窖金海等處凡國家營建之事董其役御前所用銅錫木鐵之器日取給焉外廠甚多各有提督掌廠等官真定府設有抽印木植管理太監一員則內官監之外差也四年一換只有本監公文勅書關防凡外方修建分封藩王府第亦是管理外差領

明 宮 史

卷二

七

國學扶輪社印行

勅書關防前去工竣即回各費厚貲務求方得委用凡大行帝后陵寢妃嬪皇子女薨逝修造墳塋及完婚修理府第皆其職掌今上藩邸殿宇及陳設器具塗飾草率皆李永貞聽丁紹呂之言貪其侵冒包工了事漫不加意之所致也永貞誅而紹呂漏網謂非孔方之力誰其信耶

御用監

掌印太監一員裏外監把總二員猶總理焉有典簿掌司寫字監工凡御前所用圍屏擺設器具皆取辦焉實佛作等件凡御前安設硬木牀卓櫃閣及象牙花梨白紫檀烏木瀾鵝木雙陸棋子骨牌梳櫥螺甸盤匣扇柄等件皆造辦之仁智殿有掌盤監工一員掌管武英殿中書承旨所寫書冊畫扇恭進御前亦猶中書房之于文華殿中書也

司設監

掌印太監一員有總理僉書等官如內官監而所職掌者鹵簿儀仗圍幙褥墊各官冬夏瀝涼席帳幔雨袱子雨頂子大傘之類事最煩苦遠不逮御用內官監有贏餘肥潤也如遇御前打點庫藏抬箱則此三衙門之人皆任重不敢憚勞

御馬監

掌印太監一員有監督提督四衛營勇士小廝有監官典簿掌司寫字驛馬等官有象房掌房等官牙母象共九隻缺則奏于外象房改補金鞍作不平長隨房等處各有灘監工本監象房之東有裏艸欄艸場皇城外有天師菴艸場舊都府艸場天啟六年夏舊都府艸場失火逆賢督率內外官員軍士人等救撲三日止息都城東北有大壩等二十四馬房大壩城垣逆賢重修一新李魯生巡青所說者是也凡逆賢出外到此則於城樓上陞座飲酒至夜則花炮巧線盒

子烟火之類皆在城下放看如元宵焉

神宮監

掌印太監一員司禮監監工或文書房無力者陞之有僉書掌司十餘員在端門之左九廟在焉四孟之朝聖駕親幸之正旦節及別朔或遇日食則改卜于初五前後行其餘節令祀事惟謹即外太廟也其地無敢畜犬者萬曆年間掌印杜用養一獬豸小狗最為珍愛東廠李太監浚訪知之指為違禁不敬用費千餘金方免奈途

尚膳監

掌印太監一員光祿寺西門提督太監一員西華門內裏監總理一員管理僉書掌司數十員寫字監工及外牛房羊房等廠監工共百餘員而抬供養官撥子長隨各數十員光祿寺涼樓營房逢七等項各有監工坐家名色職掌造辦每日早午晚奉先殿供養膳品乾清宮等宮一號殿仁壽宮等處宮眷月分厨料各有差等凡在御前掌印秉筆管事牌子煖殿近侍及外之內閣文華殿武英殿中書畫士卓兒銀兩咸光祿寺職掌用典簿關防緘封每月酒飯一卓折銀十兩有奇半卓者五兩有奇到每月晦照欽賞數目坐名頒給之光祿志可攷也凡遇大典禮萬歲歲餘殿大坐則督催光祿寺備辦茶飯鐘鼓司承應九奏之樂有所謂魚鳳烹龍者鳳乃雄雉龍則宰白馬代之耳至如南京等處進到各樣鮮品皆展收納聖駕每日三時所進之膳司禮監掌印秉筆掌東廠者二三人輪辦之耳

尚寶監

掌印太監一員僉書等官可數十員職掌御用寶璽勅符將軍印信其人所知者尚寶司凡所領寶璽曰皇帝奉天之寶郊天齋醮用之曰尊親之寶上尊親

用之曰親親之寶有大小二類與藩府用之曰誥命之寶勅命之寶廣運之寶則用之最多也曰御前之寶則宮中庫藏箱鎖用之曰御藥謹封則御藥房用之凡勅命遺去者仍用一黃紙封套上下悉用一寶封識之其名曰丹符出驗四方凡寶皆內尚寶女掌之遇用寶則尚寶司以揭帖赴尚寶監尚寶監請旨然後赴內司領取歲用寶三萬餘顆歲用寶色銀六十餘兩工部虞衡司辦進別項供億不載也其餘寶璽尚多不恒用天啟甲子冬河南巡撫程紹遠副使張夢鯨進到寶璽玉質潔瑩體制渾朴其白文曰受命于天既壽永昌似小篆不甚古角無刻缺的非秦寶想是宋元時偽造者惟閣臣魏廣徵誇大其祥慈史逆賢播告中外以爲此寶之進正在萬方巷祝之前又值朝政維新之會顯是瑞應遂榮感先帝受賀稱慶藉肆報復云

印綬監

明宮史

卷二

十

國學扶輪社印行

掌印太監一員僉書掌司監工數十員職掌古今通集庫并鐵券誥勅貼黃印信選簿圖書勘合符驗符諸事及南京解到文武誥帖凡追奪誥命交納本監會同該科給事中中書舍人于勘合底簿內附寫爲事緣由類于本監後小門之西傍河墻焚化

直殿監

掌印太監一員僉書等官數十員職掌皇極中極建極文華武英殿庭樓閣廊廡洒掃之役最勞苦冷局無大廳公署也

尙衣監

掌印太監一員管理僉書寫字監工數十員掌造御用冠冕袍服履舄靴襪之事兵仗局之南舊監庫之北即本監裁縫匠役成造御服之袍房也又曰西直房凡造上用袍服之裡合用杭紬等絹例具尺寸數目于掌東廠太監處取辦

之不知今尙如此否萬曆三十二年冬御前偶失珍珠袍一件神廟震怒命先監矩親至袍房前拷問數次時掌管內官王乾王進王保三人素不睦而互訐陷之先監惡其愚狡察其實寃而憐之竟不爲嚴旨所拘再四搜鞠了無盜袍証據其後又十餘年宮中有人云此袍是一貴顯宮女偷與菜戶內官拆碎變賣焉

都知監

掌印太監一員不甚貴顯餘皆本監寫字長隨各有青紅執事衣服凡聖駕出朝謁廟等項在前警蹕清御者即此監之官也手執骨口口穿鸚哥等服或平巾或官帽極寒苦難以陳轉下下衙門也

惜薪司

掌印太監一員總理管理數十員僉書掌司寫字監工數十員各外廠又數十員專管宮中所用炭柴及二十四衙門山陵等處內官柴炭每月初四十四二十四日開支武等門放夫匠打掃淨車及抬運堆積糞壤每歲春暖開長庚門率夫役淘浚宮中溝渠正旦節安彩粧凡遇冬寒宮中各銅缸木桶該內官監添水奏安鐵鍋其中每日添炭勿令人缺以防冰凍備火災候春融則止皆惜薪司事也凡御前各宮所用炭皆易州一帶山中硬木燒成運至紅蘿廠按尺寸鋸截編小圓荆筐用紅土刷筐而盛之故曰紅蘿炭也每根長尺許圓可徑三寸不等氣暖而耐久炭白而不爆如曾經伏雨久淋性未盡過而火氣太熾多能損人脛令眩暈昏迷發嘔大人尙可皇子女嬰幼何堪又宮中咸木做地平牆壁多缺土氣凡乳母畏寒皇子女或中此毒不覺屢致瘳天良可痛也順天府歲供糯米一十五石一斗永平府歲供紅棗一萬五千五百七十斤於紅蘿廠交納之廠中舊有香匠塑造香餅獸炭又塑造將軍或福判仙童鍾馗各

明宮史

卷二

十一

國學扶輪社印行